

平 一念還鄉寂處三宮罩清靈萬派歸源浩浩神光來去透
骨綿綿行人頓除造作待功成指日登仙未行者向詞中明取
一言

上丹霄 迷惑

洞天清神山秀少人行盡貪戀世夢崢嶸仙風瑞景眼前雖頓
卻如盲愛河終日競浮沈來往縱橫 東方出西方沒南方死
北方生四方轉異類翻騰區區甚日道眸開闢欲心更願將靈
質悟空華彼岸高登

其二 贈京兆府統軍夾谷龍府

感皇恩承天詔控西南大門敞高對煙嵐雙權再任過期無代
道藏輯要 礪溪集 齋 又胃集三

復登三晏然軍國事和平災害封緘 年將暮心歸道搜玄路
訪清談降尊寵謙下無慚山人放曠本來無得有何參但能慈
忍戒荒淫名挂仙銜

其三 答隴州防禦裴滿鎮國

厭塵勞拋家計慕清閑向物外觀照人間須臾變滅蜃樓欲側
海濤翻暫時光景轉身体百歲如彈 掀天富傾城麗過人勇
徹心姦盡逐境顛倒循環紛紛醉夢往來爭奪苦摧殘不如及
早伴煙霞高卧雲山

月中仙 賞月

日色西沈上高臺迥觀天地寥廓踈星隱現空一輪明月昭昭